

世說新語補

七

成瀨家藏書	一〇冊之內	倫理類	哲子門	第五四號	第二部乙
-------	-------	-----	-----	------	------





李卓吾批點世說新語補卷之十一



宋 劉義慶

撰

梁 劉孝標

注

宋 劉辰翁

批

明 何良俊

增

王世貞

刪定

王世懋

批釋

李 贄

批點

張文柱

校注



豪爽

○補趙溫居常歎曰大丈夫當雄飛安能雌伏後漢

書曰溫字子柔蜀郡成都人先是趙典為衛尉典兄子謙謙弟溫相繼為三公

○孔北海居家失勢賓客日滿其門愛才樂士常若不足每歎曰坐上客常滿尊中酒不空吾無憂矣

○王太將軍年少時舊有田舍名諧音亦楚武帝喚時賢共言伎藝事人皆多有所知唯王都無所關意色殊惡自言知打鼓吹帝令取鼓與之

於坐振袖而起揚榘奮擊音節諧捷神氣豪上  
倘若無人舉坐嘆其雄爽

○王處仲世許高尚之目嘗荒恣於色體為之敝  
左右諫之處仲曰吾乃不覺爾如此者甚易耳

乃開後閣驅諸婢妾數十人出路任其所之時  
人歎焉鄧粲晉紀曰敦性簡脫口不言財其存尚如此

○王處仲每酒後輒詠老驥伏櫪志在千里烈士  
暮年壯心不已魏武帝樂府詩以如意打唾壺壺口盡  
缺

劉云四則皆處  
仲至此欲盡  
王云老賊故自  
豪此意尤可怪



劉云如此復何請為

○晉明帝欲起池臺元帝不許帝時為太子好養武士一夕中作池比曉便成今太子西池是也

丹陽記曰西池孫登所創吳史所稱西苑也明帝脩復之耳

劉云似謂極致之于古言俗字容有通用

劉云腹心不服桓故稱王以多

○王大將軍始欲下都處分樹置先遣參軍告朝廷諷旨時賢祖車騎尚未鎮壽春瞋目厲聲語使人曰卿語阿黑敦小字也何敢不遜催攝回去須臾不爾我將三千兵掣腳令上王聞之而止

○桓宣武平蜀集叅僚置酒於李勢殿巴蜀縉紳莫不來萃桓既素有雄情爽氣加爾日音調英

桓然以是勝王云敬雖敗猶令人有餘畏桓温所小嘆為可

劉云漢刻雖下可知要是苦語

發叙古今成敗由人存亡繫才其狀磊落一坐歎賞既散諸人追味餘言于時潯陽周馥曰恨卿輩不見王大將軍中興書曰馥周撫孫也字滿隱有將略曾作敦掾

○桓公讀高士傳至於陵仲子便擲去曰誰能作此溪刻自處

皇甫謐高士傳曰陳仲子字子終齊人兄戴相齊食祿萬鍾仲子以

兄祿為不義乃適楚居於陵曾之糧三日旬旬而食井李之實三啜而後能視身自織屨於妻擗纊以易衣食嘗歸省母有饋其兄生鵝者仲子輒曰惡用此鵝鵝為哉後母殺鵝仲子不知而食之兄自外入曰鵝鵝肉邪仲子出門生而吐之楚王聞其名聘以為相乃夫婦逃去為園



王世將高朗豪率王丞相庾太尉遊于石頭會  
世將至爾日迅風飛颿世將倚船樓長嘯神氣  
甚逸丞相謂太尉曰世將為復識事太尉曰正  
足舒其逸耳王廙別傳曰廙字世將祖覽父正  
廙性倨傲不合已者面挹之故為

物所疾加  
平南將軍

○ ○ 桓宣武與殷劉談不如甚喚左右取黃皮袴褶  
上馬舞稍數迴或向殷或擬劉意氣始得雄

○ 王右軍為會稽內史謝公就乞牋紙右軍檢校  
庫中有九萬悉以乞謝公桓宣武聞之曰逸少

不節不節

○ 陳林道在西岍陳逵別傳曰逵字林道潁川許  
昌人祖淮太尉父畛光祿大夫

遠少有幹以清敏立名襲封廣陵公黃門郎西  
中郎將領梁淮南郡太守晉陽秋曰逵為西  
中郎將領淮南太守成歷陽都下諸人共要至牛渚會陳理

既佳人欲共言折陳以如意拄頰望雞籠山歎  
曰孫伯符志業不遂吳錄曰長沙桓王策少有  
雄姿風氣年十九而襲業

眾號孫郎平定江東為許貢客射破其面引鏡  
自照謂左右曰面如此豈可復立功乎乃謂張  
昭曰中國左亂夫以吳越之眾三王之固足以  
觀成敗公等善相吾弟呼大皇帝授以印綬曰  
舉江東之眾決機於兩陳之間卿不如我任賢  
使能各盡其心我不如卿慎勿北渡語畢而薨

劉云可嘆



年二十有六。於是竟坐不得談。

桓石虔司空豁之長庶也。豁別傳曰豁字朗子温之弟累遷荊州刺

劉云名鎮惡遂能斷瘡第不知當時桓溫觀此見不

史贈小字鎮惡年十七八未被舉而童隸已呼為鎮惡郎嘗住宣武齋頭從征枋頭車騎沖沒

陳左右莫能先救宣武謂曰汝叔落賊汝知不

石虔聞之氣甚奮命朱辟為副策馬於數萬眾

中莫有抗者徑致冲還三軍歎服河朔後以其

名斷瘡中興書曰石虔有才幹有史學累有戰功仕至豫州刺史贈後軍將軍

王司州在謝公坐詠入不言今出不辭乘回風

今載雲旗離騷九歌少語人云當爾時覺一坐

無入

桓玄西下入石頭外白司馬梁王奔叛續晉陽

王珍之字景度中興書曰初桓玄篡位國人有孔璞者奉珍之奔濟陽義旗既興歸朝廷仕至

太常卿玄時事形已濟在平乘上笳鼓竝作直

高詠云簫管有遺音梁王安在哉阮籍詩也

補宗元幹小時叔父少文問其所志元幹答曰願

乘長風破萬里浪孫巖宋書曰宗愨字元幹南

被劫愨年十四河換身與把衆皆披散叔少文素

著高節子弟以文義為業愨在氣好勇不為鄉

可矣以此為達







酒肆召人。以水灑面。即秉筆成十餘章。上嘉之。嘗沉醉殿上。引足冷高力士脫靴。由是斥去。浪迹江湖。嘗月夜乘舟自來。不遠金夜。金夜舟中笑傲。傍若無人。後坐永王。麟事長流。夜郎遇赦還。卒。登華山落鴈峰。山海經曰。泰華之山。於宣城。志曰。三峰。直上晴霽可觀。曰。此處呼吸之氣。想通帝坐。

史記曰。中端門。門左右掖門。門內六星。諸侯也。其內五星。五帝座。恨不攜謝朓。

驚入詩來搔首問青天爾。詩品曰。此可章秀。所嗟慕。

滕達道微時。東都事略曰。滕元發字達道。東陽人。范仲淹見而奇之。神宗朝。拜翰林學士。性疎達。在上前論事。如家人父子。言無文飾。洞見肝膈。神宗知其誠。盡後力。言新法之

補

害落職。知筠州。或以為且。有後命。元發曰。天知吾直。上知吾忠。吾何憂哉。上章自訟。有曰。樂善無功。謫書滿篋。能墨何罪。毀言日聞。為范文正上覽之。釋然。改知揚州。卒。謚章敏。館客常私就俠邪飲。范病之。一夕候其出徑坐。達道書室。明燭讀書。以俟。其至。達道大醉。竟入長揖問范公。讀何書。曰。漢書。復問。漢高帝何如人。范遂巡走入。文正公年譜曰。公諱仲淹。字希事。謚文正。蘇州人。仁宗朝。官至參知政事。

補

蘇子美豪放不羈。好飲酒。宋史曰。蘇舜欽字子美。參知政事。易簡之孫。慷慨有大志。范仲淹薦。試集賢校理。監進奏院。舜欽娶宰相杜衍女。衍時與仲淹富弼在政



季云祁公頗通  
神公不應知此

府多引用一時聞人御史中丞王拱辰等不便  
其所為會進奏院祠神舜欽輒鬻故紙公錢召  
妓樂會客拱辰廉得之諷其屬劾奏因搖動行  
舜欽坐自盜除名既放廢寓居吳中買木石作  
滄浪亭益讀書自喜時發  
憤滿於歌詩往往驚人  
在外舅杜祁公家  
史末  
曰杜衍字世昌越州山陰人父遂良尚書員外  
郎衍苦志厲操尤篤於學擢進士甲科歷龍圖  
學士刑部侍郎樞密副使  
每夕讀書以一斗為率公深以為  
疑密使覘之予美讀漢書張良傳至良與客徂  
擊秦皇帝撫掌曰惜乎擊之不中遂滿引一大  
白又讀至良曰始臣起下邳與上會於留此天  
以授陛下又撫案曰君臣相遇其難如此復舉

一大白公笑曰有如此下物一斗不足多也

史記

曰張良其先五世相韓秦滅韓良悉以家財求  
客刺秦王嘗學淮陽東見滄海君得力士為  
鐵椎重百二十斤秦皇帝東遊良與客相擊秦  
皇帝博浪沙中誤中副車更名姓亡匿下邳漢  
六年封功臣良未嘗有戰鬪功高帝曰運籌策  
帷幄中決勝千里外子房功也自擇齊二十萬戶  
良曰始臣起下邳與上會留此天以臣授  
陛下臣願封留足矣乃授張良為留侯

容止

○補陸子春姿容如玉威儀秀異

吳地記曰陸闕字  
子春吳郡吳人陸

暢之光武嘗登臺見而偉之歎曰南方故多佳

人謝承後漢書曰陸闕建武中為尚書令美姿  
貌喜着越布單衣上見而好之自是嘗敕會



稽郡獻

○魏明帝使后弟毛曾與夏侯玄共坐時人謂兼

葭倚玉樹魏志曰玄為黃門侍郎與毛曾並坐玄甚耻之曾說形於色明帝恨之左

遷玄為羽林監

○何平叔美姿儀面至白魏明帝疑其傅粉正夏

月與熱湯麤既啖大汗出以朱衣自拭色轉皎

然魏略曰晏性自喜動靜粉帛不去手行步顧然影披此言則晏之妖麗本資外飾且晏養自

官中與帝相長豈復疑其形姿待驗而明也

○補劉季和嘗言荀令君典略曰荀彧字文若潁州人為漢侍中守尚書令

劉云晏養官中時尚書有明帝註駁未官

為人美偉折節待士坐不累席其在臺閣間不以私欲撓意年五十薨謚曰敬侯以其名德高

追贈至人家坐處常三日香襄陽記曰劉季和過香鑪上主簿張坦曰人名公作俗人不虛也

季和曰荀令君至人家坐處三日香為我如何

令君而惡我愛我也坦曰古有婦人患而捧

心類有見者皆以為好其鄰醜婦法之見者走

季和大笑以是知坦邪

○時人目夏侯太初朗朗如日月之入懷李安國

積唐如玉山之將崩魏略曰李豐字安國衛尉注意明帝得吳降人問江東聞中國名士為誰

以安國對之是時豐為黃門郎改名宣上問安

乃被於吳越邪仕至中書令為晉王所誅

劉云荷其開



○○

嵇康身長七尺八寸。風姿特秀。

康別傳曰。康長七尺八寸。偉容

色。玉木形骸。不加飾厲。而龍章鳳姿。天質自然。正爾在羣形之中。便自知非常之器。見者

歎曰。蕭蕭蕭蕭。爽朗清舉。或云蕭蕭如松下風。

高而徐引。山公曰。嵇叔夜之為人。也。巖巖若孤

松之獨立。其醉也。傀俄若玉山之將崩。

裴令公目。王安豐眼爛爛如巖下電。

王戎形狀短小而目

甚清。昭。視。瓦。不。眩。

○○

潘岳妙有姿容。好神情。

岳別傳曰。岳姿容甚美。風儀間曠。

少時

挾彈出洛陽道。婦人遇者。莫不連手共縈之。左

劉云。理不犯羣。嫗何至委頓。

王云。夫謂醜人。必為羣所唾。

好事者之談也。語林亦然。

太沖絕醜。

續文章志曰。思貌醜。穎不持儀飾。

亦復效岳遨遊於

是羣。嫗齊共亂唾之。委頓而返。

語林曰。安仁至美。每行。老嫗以

果擲之。滿車。張孟陽至。醜。每行。小兒以瓦石投之。亦滿車。一說不同。

王夷甫容貌整麗。妙於談玄。恒捉白玉柄麈尾。

與手都無分別。

潘安仁夏侯湛並有美容。喜同行。時人謂之連

璧。入王故事曰。岳與湛著契。故好同遊。

裴令公有雋容姿。一旦有疾。至困。惠帝

晉書曰。帝諱衷。

武帝太子。在位十七年。中母而崩。

使王夷甫往看。裴方向壁臥。

世說新語卷之十三



聞王使至強回視之王出語人曰雙眸閃閃若

巖下電精神挺動體中故小惡名士傳曰楷病困詔遣黃門郎

王夷甫省之楷回眸屬夷甫云竟未相識夷甫還亦歎其神儵

○裴令公有雋容儀脫冠冕麤服亂頭皆好時人

以為玉人見者曰見裴叔則如玉山上行光映

照人

○有人語王戎曰嵇延祖卓卓如野鶴之在雞羣

答曰君未見其父耳康也

○劉伶身長六尺貌甚醜頰而悠悠忽忽士未形

○補陸士龍好笑嘗著縷幘上船水中自見其影便

大笑不已幾落木

○驃騎王武子是衛玠之舅雋爽有風姿見玠輒

歎曰珠玉在側覺我形穢玠別傳曰驃騎王濟

語人曰昨日吾與外生共坐若明珠之在側朗然來照人

○衛玠從豫章至下都人久聞其名觀者如堵牆

玠先有羸疾體不堪勞遂成病而死時人謂看

殺衛玠玠別傳曰玠在羣伍之中寔有異人之

望齒齒時乘白羊車於洛陽市上咸曰

劉子覺甥之好

世說新語卷之十三

十一



誰家壁人。於是家門州黨號為壁人。按永嘉流人名曰玠。以永嘉六年五月六日至豫章。其年六月二十日卒。此則玠之南度。豫章四十五日。豈暇至下都而亡乎。且諸書皆云玠亡在豫章。而不云在下都也。

劉婦人語

王丞相見衛洗馬曰：居然有羸形。雖復終日調。暘若不堪。羅綺日始。徐進而羸形。似不勝乎。羅綺。

○有人詣王太尉。遇安豐大將軍丞相在坐。往別屋見季胤平子。石崇金谷詩叙曰：王詡字季胤。瑯邪人。王氏譜曰：詡，夷甫弟也。仕至修。還語人曰：今日之行，觸目見琳琅珠玉。

○庾公道：王尼非唯事事勝人，布置須眉亦勝人。我輩皆出其轅下。晉中興書曰：王尼字孝孫，晉荆州見之，欣喜厚供給之。

○周伯仁道桓茂倫，欬崎歷落，可笑人。或云謝幼輿言。

劉云水白至用此語似切似倫

庾子嵩長不滿七尺，腰帶十圍，穢然自放。

周侯說王長史父。王氏譜曰：訥字文開，太原人。祖默，尚書父。祐散騎常侍。訥始過江，仕。形貌既偉雅，懷有槩保而用之，可作諸許物也。

劉云諸許猶言一切

世說新語卷之十三



祖士少見衛君長云此人有旄仗下形

○ ○ 庾太尉在武昌秋夜氣佳景清使吏殷浩王胡

之之徒登南樓理詠音調始道聞笛道中有履

聲甚厲定是庾公俄而率左右十許人步來諸

賢欲起避之公徐云諸君少住老子於此處興

復不淺因便據胡牀與諸人詠諠竟坐甚得任

樂後王逸少下與丞相言及此事丞相曰元規

爾時風範不得不小積右軍荅曰唯丘壑獨存

王敬豫有美形問訊王公王公撫其肩曰阿奴

劉云觀此語元規巍我可想

王云王意重股

恨才不稱又云敬豫事事似王公

○ 王右軍見杜弘治歎曰面如凝脂眼如點漆此

神仙中人江左名士傳曰永和中外劉真長謝仁

標今上為後來之美又面如凝脂眼如點漆粗可得方諸衛玠時人有稱王長

史形者蔡公曰恨諸人不見杜弘治耳

○ 劉尹道桓公鬢如反猬皮眉如紫石稜自是孫

仲謀司馬宜王一流人外明帝文章志曰溫為

日孫權字仲謀策弟也漢使者劉琬語人曰吾

觀孫氏兄弟雖並有才秀明達皆祿祚不終唯

表晉陽秋曰宣王天姿傑邁有英雄之略

劉云美物爾觀



○王敬倫風姿似父作待中劭別傳曰劭字敬倫丞相導第五子清貴

簡素研味玄曠犬司馬桓温稱爲鳳雛累遷尚書僕射吳國內史加授桓公公

服從太門入桓公望之曰太奴固自有鳳毛大奴

劭也中興書曰劭美姿容持儀操也

○林公道王長史斂衿作一來何其軒軒韶舉林語

曰王仲祖有好儀形每覽鏡自照曰玉文開那生如馨兒時人謂之達也

○時人目王右軍飄如遊雲矯若驚龍

○王長史嘗病親疎不通林公來守門人遽啓之

曰一異人在門不敢不啓王笑曰此必林公

林曰諸人嘗要阮光祿共詣林公阮曰欲聞其言惡見其面此則林公之形信當醜異

○或以方謝仁祖不乃重者桓大司馬曰諸君莫

輕道仁祖企腳北窗下彈琵琶故自有天際真

人想晉陽秋曰尚善音樂裴子云丞相嘗曰堅石擊

○王長史爲中書郎往敬和許爾時積雪長史從

門外下車步入尚書著公服敬和遙望歎曰此

不復似世中人

○簡文作相王時與謝公共詣桓宣武王珣先在

內桓語王卿嘗欲見相王可住帳裏一客既去

○云雪中宜爾



世說新語卷之

王云此言相  
詩安石也采自  
便及

桓謂王曰定何如王曰相王作輔自然湛若神  
君續晉陽秋曰帝美  
風姿舉止端詳公亦萬夫之望不然僕射  
何得自沒謝安

屬云與神君語  
映

海西時諸公每朝朝堂猶暗唯會稽王來軒軒  
如朝霞舉涉西人公  
奕別見

屬云言能略  
但不

無宙 馴道謂公遊 穿復無乃高唱但恭坐捻鼻  
使自有寢處 山澤間儀  
公見林公  
孫興公見林公  
孫興公見林公

劉云庾亮為是

○庾長仁與諸弟入吳欲住亭中宿諸弟先止見  
羣小滿屋都無相避意長仁曰我試觀之乃策  
杖將一小兒始入門諸客望其神姿一時退匿  
一說是  
庾亮

○有人歎王恭形茂者云濯濯如春月柳

○補謝晦美風姿善言笑眉目分明鬢髮如墨時謝  
混風鑑為江左第一常與晦同在宋武帝前帝  
目之曰下時頓有兩玉人

○補有人詣謝益壽言問在劉丹陽坐見一客紫毛

世說新語卷之

十五



謝曰正是我家阿瞻益壽混小字

○補

王景文風姿為一時之冠袁粲歎曰景文非但風流可悅乃輔政亦復可觀有客及識謝混者

曰景文方謝叔源則為野父矣粲惆悵曰恨眼中不見如此人續世說曰宋孝武選侍中四人並以為風貌玉或謝莊為一雙阮

韜何偃為一雙

○補

張思曼吐納風流聽者皆忘饑疲見者肅然如在宗廟

在宗廟

○補

梁武平建業朝十首造之謝景濂時年二十意

氣閒雅瞻視聰明梁武目送良久謂徐勉曰覺

此生芳蘭竟體南史曰謝覽字景濂陳郡陽夏人父藩太子詹事覽選尚書錢

唐公主仕梁為吳興太守

○補

陶隱居身長七尺四寸神儀明秀朗目疎眉細形長耳雖在朱門閉影不交外物南史曰陶弘景字通明丹

陽秣陵人高其志節累辟徵命隱於句容之句曲山中山立館自號華陽隱居人間書札以隱居代名卒謚

貞白先生

○補

李密曰瞳子正方黑白明澈隋書曰密字法主真鄉公徠之從孫也才兼文武志氣雄遠散財養客後更折節下帷就學楊玄感舉兵以為謀主屢戰克捷

七帖世說新語卷之十三



身於唐封邢國公煬帝見之隋書曰帝諱廣文

立承富強之業慨然慕秦皇漢武之為人謂宇

窮後極欲巡狩揚州為宇文化及所弑

文述隋書曰宇文述字伯通代郡武川人周武

衛大將軍曰左仗下黑色小兒為誰云是蒲山公李

寬子帝曰此小兒瞻視異常無令入衛密傳曰

驍勇善戰幹略過人自周及隋數經將領

補朱泚之亂唐書曰此幽州昌平人以父資從軍

冠數人伴為奴求出城佶最寢陋自稱甘草門

兵曰此數子定非人奴如甘草者不疑劉昫唐

佶字弘正裴耀卿之孫能屬文弱冠舉進士德

宗南狩奔諸行在拜拾遺佶清勁温敏所交皆

當時第一流與鄭餘慶特相友善

佶沒餘慶行朋友之服縉紳美之

補趙匡凝每整衣冠使人持巨鑑前後照微覺有

塵即令持紅拂去之五代史記曰趙匡凝字光

嚴喜自修飾頗好學問聚

書數千卷為政有威惠

自新

周處年少時兇彊俠氣為鄉里所患處別傳曰

治細行晉陽秋曰處

輕果薄行州郡所棄又義興水中有蛟山中有



遺跡一作白額。虎竝皆暴犯百姓。義興人謂為三橫。而處尤劇。或說處殺虎斬蛟實翼三橫。唯餘其一。處即刺殺虎。又入水擊蛟。蛟或浮或沒。行數十里。處與之俱經三日三夜。鄉里皆謂已死。更相慶。竟殺蛟而出。聞里人相慶。始知為人情所患。有自改意。孔氏志怪曰：義興有邪足虎。溪者謂郡中二害。長橋有蒼蛟。並大噉人。郭西周時周即處也。乃自吳尋二陸平原不在。正見清河。具以情告。并云欲自修改。而年已蹉跎。終無所成。清河曰：古人貴朝聞夕死。况君前途尚可。

且人患志之不立。亦何憂。令名不彰邪。處遂改

勵終為忠臣孝子。晉陽秋曰：處仕晉。為御史中丞。多所彈糾。氏人齊萬年反。乃令處距萬年。伏波孫秀欲表處。母老。處曰：忠孝之道。何當得兩全。乃進戰。斬首萬計。弦絕矢盡。左右勸退。處曰：此是吾授命之日。遂戰而沒。

○ ○ 戴淵少時遊俠。不治行檢。嘗在江淮間。攻掠商旅。陸機赴假還洛。輜重甚盛。淵使少年掠助。淵在岍上。據胡牀。指麾左右。皆得其宜。淵既神姿峰穎。雖處鄙事。神氣猶異。機於船屋上遙謂之曰：卿才如此。亦復作劫邪。淵便泣涕投劍歸機。



辭厲非常機彌重之定交作筆薦焉虞預晉書曰機薦淵  
於趙王倫曰蓋聞繁弱登御然後高壩之功顯  
孤竹在肆然後降神之曲成伏見處士戴淵砥  
節立行有井渫之潔安窮樂志無風塵之慕誠  
東南之遺寶朝廷之貴璞也若得寄跡康衢必  
能結軌驥驟耀質廊廟必能垂光瑜璠夫枯听  
之民果於輸珠潤山之客烈於貢玉益明暗呈  
形則庸識所踴過江仕至征西將軍

○補齊高帝有故吏竺景秀嘗以過繫作部高帝語

荀伯玉卿比看景秀否荅曰數往候之備加責  
誚景秀言若許某自新則吞刀刮腸飲灰洗胃  
帝善其言乃釋之南史曰伯玉字弄璋廣陵人  
祖承南譙太守父闡之給事

中伯玉仕宋為晉安王參軍高帝為南兖州伯  
玉從轉驃騎中兵參軍忠勤盡心常衛左右大  
見親信承明元  
年以事伏誅

○補張延符少不拘檢肆意略遊父思曼請假還吳

始入西郭延符正獵左手臂鷹右手牽犬遙望  
見思曼乃放鷹繼犬向舟而拜思曼曰「身兩  
役無乃勞乎延符跪對曰充聞三十而立今平  
十九矣請至來歲終身折節思曼曰過而能改  
乃顏子矣明年奮然易操尋師就學博覽古籍  
鬱為名士劉璠梁典曰張充字延符父緒官特  
進有重名充該通老易能清言與從



叔稷俱有令譽歷殿  
中郎終吳郡太守

企羨

○補郭林宗遊京師當還鄉里送車千許乘李膺亦  
在焉衆人皆誦太槐客舍而別獨膺與林宗共  
載乘薄笨車上大槐坂觀者數百人引領望之  
眇若松喬之在霄漢

○補虞徵君少給事縣庭郭林宗見而拔之勸遊學  
宮遂爲諸生傭後能講論自以甲第每處下坐  
諸生博士皆就雙問由是學中以下坐爲貴

後漢書曰虞乘字世遊潁川鄢  
陵人徵辟並不起世號徵君

○補裴國寶

晉諸公贊曰裴瓚字國寶楷之子才氣  
論以五莖方五陳不裴  
左不玉以裴瓚方玉敦是裴叔則子風神高邁

特爲王萬子所重每從之遊萬子父安豐謂之  
曰國寶初不來汝那得數往萬子曰國寶雖不  
知綏綏自知國寶

○王丞相拜司空桓廷尉作兩髻葛屨策杖路邊  
窺之歎曰人言阿龍超阿龍故自超阿龍承字不  
覺至臺門



劉云至無要  
語便則相似

○ ○ 王丞相過江自說昔在洛水邊數與裴成公阮千里諸賢共談道羊曼曰人久以此許卿何須復爾王曰亦不言我須此但欲爾時不可得耳

欲一  
作歎

○ ○ 王右軍得人以蘭亭集序方金谷詩序又以已

敵石崇甚有欣色王羲之臨河敘曰永和九年歲在癸丑暮春之初會于會稽山陰之蘭亭脩禊事也羣賢畢至少長咸集此地有崇山峻嶺茂林脩竹又有清流激湍映帶左右引以為流觴曲水列坐其次是日也天朗氣清惠風和暢仰觀宇宙之大俯察品類之盛一觴一詠亦足以暢敘幽情矣故列序時人錄其所述右將軍司馬太原孫承公

作歎

等二十六人賦詩如左前餘姚令自稽謝勝等十五人不能賦詩罰酒各三斗石崇金谷詩序曰余以元康六年從太僕卿出為使持節監青徐諸軍事征虜將軍有別廬在河南縣界金谷澗中或高或下有清泉茂林果竹柏藥草之屬莫不畢備又有水確魚池土窟其為娛目歡心之物備矣時征西大將軍祭酒王詡當還長安余與眾賢共送往澗中晝夜遊宴屬悉其坐或登高臨下或列坐水濱時琴瑟笙簧合載車中道路並作及任令與鼓吹遞奏遂各賦詩以叙中懷或不能者罰酒三斗感性命之不永懼凋落之無期故具列時人官號姓名年紀又寫詩著後之好事者其覽之哉凡二十人

○ 王司州先為庾公記室參軍後取殷浩為長史始到庾公欲遣王使下都王自啓求住曰下官



希見盛德淵源始至猶貪與少日周旋

○孟昶未達時家在京口晉安帝紀曰昶字彥達平昌人父觀中護軍昶

矜嚴有志居少為王恭所知豫義旗之勳遷當丹陽尹盧循既下昶慮事不濟仰藥而死

見王恭乘高輿被鶴氅裘于時微雪昶於籬間

窺之歎曰此真神仙中人

○袁彥道袁軹別見有二妹一適殷淵源一適謝仁祖

袁氏譜曰軹大妹名女皇適殷浩小妹名女正適謝尚語桓宣武云恨不

更有一人配卿

○補王曇首李延壽南史曰王曇首太保弘之弟幼有素尚兄弟分財曇首唯取圖書而已

辟璉琊王大司馬屬年十四五便歌諸妓何謝公靈稱歎

公甚欲聞之而王名家年少無由得聞諸妓又

向王說謝公意謝後出東府土山上作伎王時

作兩丸髻著袴褶騎馬往土山下庾家墓林中

作一曲歌于時秋月王因舉頭看北林卒曲便

去妓白謝公曰此是王郎歌

○補謝叔源誅後及宋武受禪謝晦言曰陛下應天

受命登壇日恨不得謝益壽奉璽紱帝亦歎曰

吾甚恨之使後生不得見其風流



○補張新安少與顏光祿延之鄰居顏談議飲酒宣

呼不絕新安靜翳無言聲後顏於籬邊聞其與

客語設胡牀坐聽辭義清玄顏指謂坐賓曰此

中有人由此不復酣呼南史曰張演四弟鏡承

五龍鏡名最高仕至新安太守

○補崔瞻才學風流為後來之秀北史曰瞻字彥通

容止神彩嶷然言不妄發才學風流後來之秀

魏孝靜嘗人日登雲龍門懷瞻皆侍宴有應詔

詩帝問刑劭曰瞻詩何如其父劭曰懷博雅弘

麗瞻氣調清新並詩人之冠燕罷共嗟賞之咸

曰今日之謙弁侍中李神儁晚年無子語邢劭

為崔瞻父下

入傷懷

○補仲長子光王績仲長先生傳曰先生諱子光字

給無室廬絕妻子開皇末始庵河東間以息身

焉賣藥為業人莫之知也汾陰生遊河者一觀

而伏曰東方朔管輅不知也由是顯重守令至

者皆親謁先生拜以瘖疾未嘗交語若獨遊頌

河者先上傳以自喻識者知其懸解人也其世

道者劔書石易二字示之彈琴餌藥以終其世

王通中說曰薛收問仲長子光子曰天人也收

曰何謂天人道曰天者自然之理也地者形而下

成其天獨能隱居北渚王無功愛其貞素徙與相

近唐書曰王績字無功絳州龍門人太業中移

北貼世說新語卷之十三



常躬耕東臯。時人號東臯子。或過酒肆。動經數日。往往題壁作詩。多為好事者。諷詠。臨終遺命。薄葬。預自為墓誌。

○補

歐陽率更行見古碑。

張懷瓘書斷曰。歐陽詢字信本。長沙汨羅人。官至太子

子率更令。善書。筆力勁險。篆體尤妙。高麗國主愛其書。遣使請焉。神堯曰。不意詢之書名遠播。夷是索靖所書。羊愔能書人。姓名曰。燉煌。索靖

草書。抱朴子曰。善書者。中州則有索靖。用古體。飄乎若起鴻之乘勁風。騰鱗之躡驚雲。馬觀之良久而去。數百步復還。下馬佇立。疲倦

則布毯坐觀。三日乃去。

○補

閣立本善畫。

朱景玄唐朝名畫錄曰。閣立本。大

齊名。於世。至荊州。見張僧繇舊迹。曰。定虛得名耳。明

日。又往。曰。猶近代佳手。明日。又往。曰。名下定無

虛士。因坐臥觀之。留宿其下。宜和畫譜曰。張僧繇。右將軍。以丹青馳譽。干時。嘗於金陵安樂寺畫。四龍不點目睛。謂點之則驤騰而去。人以爲誣。固請點之。因為落墨。纒及二龍。果雷電破壁。徐視畫已失矣。獨一龍未點睛者。在焉。世謂僧繇。畫骨氣奇偉。規模宏逸。六法精備。當與顧陸並馳爭先。

○補

蕭穎士

李華。穎士文集序曰。蘭陵蕭穎士。字

州。功曹。君以文章制度為己任。時人咸以此許之。及卒。門人謚為文元先生。唐詩紀事曰。穎士以拔獎後進。為任。如李陽水。皇甫冉。陸澗。皆出。獎。目為名士。天下推知人。稱蕭功曹。與李華齊。



名世號有一僕事之十餘年每加箠楚輒百餘  
不堪其苦人或激之使去其僕曰我非不能他  
從所以遲留者特愛慕其博奧耳李元獨異志曰穎士常使

一傭僕名杜亮

○補蘇司業杜工部集曰蘇源明天寶中守東平召為國子司業祿山陷京師源明以病不

受僞官肅宗復兩京權考功郎中知制誥每謂當時名士曰僕不幸

生於衰俗所不耻者識元紫芝

○補寇萊公出入宰相三十年不營私第處士魏野

贈詩曰有官居鼎鼐無地起樓臺公南遷時止

使至內宴歷視諸宰執語譯者曰孰是無地起

樓臺相公王聖塗澗水燕談錄曰陝右處士相

善野於東郊鑿室方丈蔭以修竹泉流其前曰樂天洞

李卓吾批點世說新語補卷之十三



李卓吾批點世說新語補卷之十四

	宋	梁	宋	明	
劉義慶	劉孝標	劉辰翁	何良俊	王世貞	王世懋
撰	注	批	增	刪定	批釋
				李贄	張文柱
				批點	校注



傷逝

○

龔勝

漢書曰龔勝字君實楚人王莽徵之不食而死

楚父老來弔哭

甚哀既而嘆曰薰以香自燒膏以明自煎嗟哉

龔牟竟天天年非吾徒也

徐州先賢傳曰楚老

○

陳蕃嘗武為中官所害

後漢書曰寶武字遊平扶風平陵人安豐戴侯

融之玄孫也父奉定襄太守武少以經行著稱桓帝拜武為中官所害

武國政多失內官專寵李膺杜密等為

黨事考武上疏出之靈帝立拜大將軍封開

喜武武既輔政有誅剪官之意與太傅陳蕃

共謀天不雄後莫不延頸企踵思奮其力於是

盡收諸逆次猶無狀者送北寺獄會甫等共劫

右奪璽武率五營士討武武走圍殺之梟首

陽都郭林宗哭之於野檀弓曰所知吾哭慟既

而歎曰人之云囚邦國殄瘁

大雅瞻瞻烏爰止

○

范巨卿與張元伯為友

范曄後漢書曰張劭字

交二人告歸鄉里式謂元伯曰後二年當還將

過拜尊親見孺子焉共勉期日後期至元伯具

以白母請設饌候之母曰千里結言爾何相信

之審耶對曰巨卿信士必不乖違母曰若然當

到升堂拜飲盡歡而別後元伯寢疾同郡郵君

章殷子徵晨夕省視元伯臨盡歎曰恨不見吾

死友子徵曰吾與君章盡心於子是非死友復

死友子徵曰吾與君章盡心於子是非死友復

死友子徵曰吾與君章盡心於子是非死友復



欲誰求元伯曰若一子者吾生友耳山陽范巨卿所謂死友也元伯尋卒范忽夢見元伯玄冕垂纓屣履而呼曰巨卿吾以某日死當以爾時葬永歸黃泉子未我忘豈能相及范恍然覺寤便往奔喪未及到而喪已發引柩不肯前其母撫之曰元伯豈有望耶遂停移時見有素車白馬號哭而來母云是必范巨卿也巨卿既至叩棺言曰行矣元伯死生異路永從此辭會葬千人皆為揮涕范執紼引柩喪乃得前謝承後漢書曰式少

尚節義游學京師同業有長沙陳平子與武未相見被病將亡謂其妻曰范巨卿烈士可託死吾歿後以屍埋巨卿尸前裂素為書以遺巨卿時式出行適還省書愴然向墳揖哭以為死友營護平子妻兒身自送喪於臨湘未至四五里發素書於柩上哭別而去其兄弟尋求不復見

孔北海與蔡中郎素厚蔡亡後有虎賁士貌類於蔡北海每酒後引與共坐曰雖無老成人且有典刑大雅蕩詩

王仲宣好驢鳴魏志曰王粲字仲宣山陽高平人曾祖龔父暢皆為漢三公粲至長安見蔡邕邕奇之倒屣迎之曰此王公孫有異木吾不及也吾家書籍盡當與之避亂荆州依劉表以粲貌寢通脫不甚既葬文帝臨其

王云世說雖傷逝獨妙無一語不解限神引云不應送客重之太祖以從征吳道中卒



三能驢鳴

批點世說新卷之十四

喪顧語同遊曰王好驢鳴可各作一聲以送之  
赴客皆一作驢鳴按戴叔鸞母好驢鳴叔鸞每為驢鳴以說其母人之所好

儻亦同之

○ ○ 王濬沖為尚書令著公服乘輅車經黃公酒壚

下過韋昭漢書注曰壚酒肆也顧謂後車客吾

昔與嵇叔夜阮嗣宗共酣飲於此壚竹林之遊

亦預其末自嵇生夭阮公亾以來便為時所羈

繼今日視此雖近邈若山河竹林七賢論曰俗

之嘗以問其伯文康文康云中朝所不聞江左忽有此論蓋好事者為之耳

○ ○ 羊太傅好山水每風景必造峴山南雍州記曰峴山臨漢水

上望之隱然蓋諸山之小者而其名特著置酒言詠終日不倦嘗慨

然歎息顧謂從事中郎鄒湛別見曰自有宇宙便

有此山由來賢達勝士登此遠望如我與卿者

多矣皆湮滅無聞使人悲傷如百歲後有知吾

魂魄猶應登此十道志曰祐沒襄人感其德立祠刻碑其上過者莫不流涕杜

預名其碑為墮淚碑

○ ○ 孫子荆以有才少所推服唯雅敬王武子武子

喪時名士無不至者子荆後來臨屍慟哭賓客

此帖世說補卷之十四

四



莫不垂涕哭畢向靈牀曰卿常好我作驢鳴今

為卿作體似真聲賓客皆笑孫舉頭曰使君輩

存令此人死語林曰王武子葬孫子荆哭之甚

皆笑孫曰諸君不歎而念武子死平賓客皆怒

王戎喪兒萬子山簡往省之王悲不自勝簡曰

孩抱中物何至於此王曰聖人忘情最下不及

情情之所鍾正在我輩王隱晉書曰戎子綏欲

過傷痛不許人求之簡服其言更為之慟一說

遂至老無敢取者是王戎喪子山簡出之

王云妙語實境

○有人哭和長輿曰峨峨若千丈松崩

衛洗馬以永嘉六年喪謝鯤哭之感動路人永嘉

流人名曰玠以六年六月二十日亡葬南昌城

許徵墓東玠之薨謝幼輿發哀於武昌感動不

自勝人問子何卹而致哀如咸和中丞相王公

是答曰棟梁折矣何得不哀教曰衛洗馬當改葬此君風流名士海內所瞻

可修薄祭以敦舊好玠別傳曰玠咸和中故遷

馬明當改葬此君風流名士海內顧彥先平生好琴及喪家人常以琴置靈牀上

張季鷹往哭之不勝其慟遂徑上牀鼓琴作數



世說新語卷之十四

曲竟撫琴曰顧彥先頗復賞此不因又大慟遂不執孝子手而出

○ ○ 庾亮兒遭蘇峻難遇害諸葛道明女為庾兒婦

恢別傳曰恢字道明瑯琊陽都人祖誕司空父觀亦知名恢少有令聞稱為名賢避難江左中宗召補主簿累遷尚書令庾氏既寡將改適與諧曰庾亮子會娶恢女名文虎亮書及之亮答曰賢女尚少故其宜也感念公兒若在初沒

○ ○ 庾文康以何揚州臨葬云埋玉樹著土中使人

劉云皆無像獨資後人情何能已已昔蘇峻事公於白石桐中許賽車

○ ○

下牛從來未解為此鬼所考不可救也明年亮果亡靈鬼志謠故曰文康初鎮武昌出石頭百姓看者於听歌曰庾公上武昌翩翩如飛鳥如飛鳴庾公還揚州白馬牽旒又曰庾公初上時翩翩車後連徵不入尋薨下都葬焉

○ ○ 王長史病篤寢臥燈下轉麈尾視之歎曰如此

人曾不得四十及以劉尹臨殯以犀柄麈尾著

柩中因慟絕濛別傳曰濛以永和初卒年三十悼之雖友于之愛不能過也

○ ○ 支道林喪法虔之後精神實喪風味轉隆支道

法虔道林同學也傳曰朗有理義遁甚重之常謂人曰昔匠石廢斤於

世說新語卷之十四



郢人運斤斲之至盡而鼻不傷郢人立不失容

牙生輟弦於鍾子期聽之方鼓琴志在泰山子

期曰善哉乎鼓琴巍巍乎若泰山莫景之間志

在流水子期曰善哉乎鼓琴洋洋乎若流水鍾

子期死伯牙斲琴絕弦終身不復推已外求良

鼓之以為在者無足為之鼓琴也推已外求良

不虛也冥契既逝發言莫賞中心蘊結余其匹

矣卻後一年支遂殞

戴公見林法師墓支遁傳曰遁不和元年終曰

德音未遠而拱木已積冀神理緜緜不與氣運

俱盡耳王均法師墓下詩序曰余以寧康二年

命駕之刻石城山即法師丘也高貴鬱

為荒楚丘隴化為宿莽遺跡未滅而其人已

遠感想平昔觸物悽懷其為時賢所惜如此

王子敬與羊綏善綏清淳簡貴為中書郎少匹

王深相痛悼語東亭云是國家可惜人羊氏譜

仲彥泰山人父楷尚書

郎綏仕至中書侍郎

○王東亭與謝公安惡中興書曰璠兄弟皆嘗謝

璠絕婚又離妻由王在東聞謝喪便出都詣子

敬道欲哭謝公子敬始臥聞其言便驚起曰所

望於法護王於是往哭督帥刁約不聽前曰官

平生時不見此客王亦不與語直前哭甚慟

王云支公乃爾  
邪名理何在



不執末婢手而退謝琰小字琰字瑗度安少子開率有大度為孫恩所害贈侍中司空

○羊曇少為謝太傅所知晉書曰羊曇者泰山人知名士也為謝公所愛

重太傅亡後羊輟樂彌年行不由西州路嘗因

石頭大醉扶路唱樂不覺至州門左右白曰此

西州門羊悲感不已以馬策叩扉詠曹子建詩

曰生存華屋處零落歸山丘曹子建詩王粲引慟哭而去

羊孚年二十一卒羊氏譜曰孚年四十一而卒桓玄與羊欣

書曰賢從情所信寄暴疾而殞宋書曰欣字敬元泰山南城人

少懷靜默秉操無競美姿容善笑言祝予之歎

如何可言公羊傳曰顏淵死子曰噫天祝予何休曰祝者斷

也天將亡夫子耳

○王東亭亡後桓敬道與會稽王道子書曰元琳

神情朗悟經史明徹風流之美公私所寄忽爾

喪失歎悼之深豈惟風流相悼而已

○孝武山陵夕王孝伯入臨告其諸弟曰雖椽桷

惟新便自有黍離之哀中興書曰列宗喪會稽

寶委以機任王恭入

赴山陵故有此歎



王子猷子敬俱病篤而子敬先亡獻之以泰元十三年卒年

四十子猷問左右何以都不聞消息此已喪矣

語時了不悲便索輿來奔喪都不哭子敬素好

琴便徑入坐靈牀上取子敬琴彈弦既不調擲

地云子敬子敬人琴俱亡因慟絕良久月餘亦

卒幽明錄曰泰元中有一師從遠來莫知所出

人求代亦復不過少時人聞此成怪其虛誕上

子猷子敬兄弟特相和睦子敬疾屬續子猷謂

之曰吾才不如弟位亦通塞請以餘生代弟師

曰夫生代死者以已年限有餘得以足代者耳

今賢弟命既應終君侯筭亦當盡復何所代子

猷先有背疾子敬疾篤恒禁來往聞心便撫心

悲惋都不得一聲背即潰裂推師之言信而有實

補范蔚宗既被繫上有白團扇甚佳送令出詩賦

美句擘攬筆書曰去白日之昭昭襲長夜之悠

悠上為循覽悽然沈約宋書曰范擘字蔚宗順

音律為高祖相國掾稍遷太子詹事坐與孔熙先等謀逆誅事別見

補張思曼亡後從弟融齋酒於靈前酌酒慟哭曰

阿兄風流頓盡

補王威明亡後昭明與湘東王繹書曰威明風韻

適正神峰標映千里絕迹百尺無枝實後人也



爾過隙永歸長夜金刀掩鉗長淮絕酒去歲  
冬中已傷劉子謂孝也今茲寒孟復悼王生俱往

之傷信非虛說南史曰王規字威明尚書書之

起家秘書郎天監中除中書黃門侍郎侍

補 梁簡文梁書曰帝諱綱字世續武帝第三子侯

之為侯景幽繫南史曰侯景字萬景魏之懷朔

朱氏遂為歡用歡死叛歸於梁太清二年題壁

自叙云有梁正士蘭陵蕭世續立身行道終始

如一風雨如晦雞鳴不已弗欺暗室豈况三光

數至於此命也如何三國典略曰簡文為侯景

則五福俱奏運閉則六極所鍾是以麟

○補 崔浩誅後北史曰浩作國書立石銘以彰直筆

珪率為之素服受鄉人吊嘯歎曰崔公死誰能

更容珪夸北史隱逸傳曰珪夸一名旭趙郡高

度耽好書傳未嘗以世務經心高尚不仕與崔

浩為莫逆之交浩為司徒奏徵為中郎州郡通

遣入京與浩相見惟飲酒談叙平生不及世利

便將別浩以夸所乘驪內之廐中冀相維繫奈

遂託鄉人輸租者謬為御車出關時朝法甚峻

坐經年浩送衣本驪兼遺以所乘馬為書謝之



秦不受其驟馬亦不復書及浩沒為之素服受鄉人弔嗙經下時乃止

○補咸陽王窮極驕奢姬妾數十猶遠有簡娉以恣

其情後以叛誅官人為之歌曰可憐咸陽王奈

何作事悞金牀玉几不能眠夜蹋霜與露洛水

湛湛彌听長行人那得渡其歌流傳江表北人

在南者雖至富貴弦歌奏之莫不灑泣北史曰咸陽王

禧魏獻文皇帝子也

○補雷宣徽頗涉書道因讀史廢書流涕曰功名者

貪夫之鈞餌橫戈開邊枝劔討叛死生食息之

不顧及其死也一棺戡身萬事都已悲夫東都事略

日雷有終同州郃陽人殿中御史德驤也以其父任為萊蕪尉有平賊功授保信軍留後契丹

入寇真宗幸澶淵有終赴援威聲甚震召拜宣徽北院使

棲逸

○補王君公遭亂不去僮牛自隱僧謂平會兩時人

為之語曰避世墻東王君公稽康高士傳曰君

事不用乃自污與官婢通免歸詐狂僧牛無二價也後漢逢萌傳曰萌與平原王君公友善

○補蔣元卿舍中三徑唯羊仲求仲從之遊二仲皆

樅廉逃名之士司馬彪續漢書曰蔣詡字元卿父喪弟者盈門後母疾之不得



正舊廬自作詠  
菴於側往如舊

○ 浦 張仲蔚隱居平陵蓬蒿滿宅唯開一行徑三輔

曰仲蔚扶風人少與同郡魏景卿隱身不  
在明天官博物好為詩賦所居蓬蒿茂人

○ 向子平讀易至損益卦損益盈虛與時偕行益

卦曰損上益下  
民說無疆也喟然歎曰吾已知富不如貧貴

不如賤但不知死何如生耳為子嫁娶畢敕家

事斷之云當如我已死與同好禽子夏俱遊五

嶽名山不知所終魏隸高士傳曰向長字子平

避不仕王莽通老易安貧樂道好事者更饋遺  
輒受之自足遺餘如有不取也舉措必於中和

司空王邑辟之連年乃欲薦之於莽固  
辭乃止後漢書曰向長河內朝歌人

○ 韓伯休采藥名山賣於長安市口不二價三十

餘年時女子從韓買藥守價不移女子怒曰公

是韓伯休那乃不二價伯休歎曰我本避名今

女子皆知有我何用藥為乃遁入灞陵山中范

後漢書曰韓康字伯休京兆霸陵人相帝以安  
車聘之康辭安車自乘柴車冒晨先使者發至

亭亭長以韓徵君當過方發入牛修道及見康  
柴車幅巾以為田叟也使奪其牛即釋駕與之

有頃使者至奪牛翁乃徵君也使者欲奏殺亭  
長康曰此自老子與之亭長何罪乃止康因道

遁以



王云有為之教四字甚深

阮步兵嘯聞數百步蘇門山中忽有真人樵伐者咸共傳說阮籍往觀見其人擁邳巖側籍登嶺就之箕踞相對籍商略終古上陳黃農玄寂之道下考三代盛德之美以問之佗然不應復叙有為之教棲神導氣之術以觀之彼猶如前凝矚不轉籍因對之長嘯良久乃笑曰可更作籍復嘯意盡還半嶺許聞上嶒然有聲如數部鼓吹林谷傳響顧看迺向人嘯也魏氏春秋率意獨駕不由徑路車跡所窮輒慟哭而反嘗遊蘇門山有隱者莫知姓名有竹實數斛柞白

而已籍聞而從之談太古無為之道論五帝三王之義蘇門先生條然曾不野之籍乃嗒然長嘯韻響寥亮蘇門先生乃迫爾而笑籍既降先生喟然高嘯有如鳳音籍素知音乃假蘇門先生之論以寄所懷其歌曰日沒不周西月出丹淵中陽精晦不見陰先代為雄亭亭在須臾厭厭將復隆富貴俛仰間貧賤何必終竹林七賢論曰籍歸遂著大人先生論所言皆習懷間本趣大意謂先生與己不異也觀其長嘯相和亦近乎日擊道存矣

○李廞是茂曾第五子清貞有遠操而少羸病不肯婚宦居在臨海住兄侍中墓下既有高名王丞相欲招禮之故辟為府掾廞得牋命笑曰茂弘乃復以一爵假人文字志曰廞字宗子江夏鍾武人祖康秦州刺史父

世說新語卷之十四



重平陽太守世有名望。歆好學善草隸與兄式齊名。疾不能行坐常仰臥彈琴讀誦不輟。河間王辟太尉掾以疾不起後避難隨兄南渡。司徒王導復辟之歆曰茂弘乃復以一爵加人。水和中卒歆嘗為二府辟故號李公府也。式字景則歆長兄也。思理儒隱有平素之譽。渡江累遷臨海太守待中。年五十四而卒。

阮裕別

阮裕別居會稽剡山有人以問王右軍右軍曰此君近志存肥遁

不驚寵辱老子曰寵辱若驚得之若驚失之若驚雖古之沈冥何以過此楊子曰蜀莊沈冥李軌注曰沈冥猶玄寂泯然無迹之貌

何驃騎弟以高情避世而驃騎勸之令仕荅曰

劉云古無此語

子第五之名何必減驃騎中興書曰何準字幼道廬江濞人驃騎將

軍充第五弟也雅好高尚徵聘無所就充位居宰相權傾人主而準散帶衡門不及世事時名德皆稱之年四十七卒有女為

穆皇帝后贈光祿大夫子恢讓不受

南陽劉麟之高率善史傳隱於陽岐于時符堅

臨江荊州刺史桓沖將盡討謨之益徵為長史

遣人船往迎贈貺甚厚麟之聞命便升舟悉不受所餉緣道以乞窮乏比至上明亦盡一見沖

因陳無用脩然而退居陽岐積年衣食有無常

與村人共值已置乏村人亦如之甚厚為鄉閭



至云註在雀

所安尚質素。虛退寡欲。好遊山澤。間志存遁逸。少  
 桓冲嘗至其家。驎之方條桑。謂冲使君既枉駕  
 光臨。宜先請家君。冲遂詣其父。父命驎之。然後  
 乃還。拂短褐。與冲言。父使驎之。自持濁酒。菹菜  
 供。實冲。救入代之。父辭曰。若使官人。則非野人  
 之意也。冲為慨然。至昏乃退。因請為長史。固辭  
 居陽岐。去道斥近。人士往來。必投其家。驎之身  
 自供給。贈致無所受。去家百里。有孤嫗。將死  
 謂人曰。唯有劉長史。當埋我耳。驎之身往候之  
 值終為治棺殯。其仁愛皆如此。以壽卒。

至云按此語似

南陽翟道淵與汝南周子南少相友共隱于潁  
 陽庾太尉說周以當世之務周遂仕翟秉志彌  
 固其後周詣翟翟不與語淵晉陽秋曰翟湯字道

○  
 ○  
 已無能為光容  
 諛知而陰刺庾  
 公不能自別夜  
 光也

後也篤行任素義讓廉潔饋贈一無所受值亂  
 多寇聞湯名德皆不敢犯潁陽記曰初庾亮臨  
 湯州聞翟湯之風束帶躡屐而詣焉亮禮甚恭  
 薦之徵國子博士不赴亮稱其能表  
 曰此君臥龍不可動也終于家

劉云少孤名陋

孟萬年及弟少孤居武昌陽新縣萬年遊宦有  
 盛名當世少孤未嘗出京邑人士思欲見之乃  
 遣信報少孤云兄病篤狼狽至都時賢見之者  
 莫不嗟重因相謂曰少孤如此萬年可死袁宏

士銘曰處士名陋字少孤武昌陽新人吳司空  
 孟宗後也少而希古布衣蔬食棲遲蓬華之下  
 絕人間之事親族慕其孝大將軍命會稽王稚  
 之稱疾不至相府歷年虛位而澹然無悶卒不



降志時人奇之

○王右軍既去官與東土人士營山水弋釣之娛

又與道士許邁共修服食徧采名藥不遠千里

遊東中諸郡名山泛滄海歎曰我卒當以樂死

道學傳曰許邁字叔玄有虛接真還樓表志所在往而不返故改名遠遊與王右軍父子為世交

○康僧淵在豫章去郭數十里立精舍劬連嶺帶

長川芬林列於軒庭清流激於堂宇乃閒居研

講希心理味庾公諸人多往看之觀其運用吐

納風流轉佳加已處之怡然亦有以自得聲名  
乃興後不堪遂出僧淵氏族所出未詳疑是胡其有義學

○戴安道既厲操東山續晉陽秋曰適不樂當世以琴書自娛隱會稽剡山

國子博士而其兄欲建式遏之功戴氏譜曰遜

徵不執謝太傅曰卿兄人祖碩父綬有名位遂以武勇顯有功封廣陵侯仕至大司農

弟志業何其太殊戴曰下官不堪其憂家弟不

改其樂

○范宣未嘗入公門韓康伯與同載遂誘俱入郡



范便於車後趨下續晉陽秋曰宣少尚隱游家于橡章以清潔自立

許掾好遊山水而體便登陟時人云許非徒有

勝情實有濟勝之具

○補張焉隱居願志家有苦竹數十頃張於竹中為

屋常居其中王右軍聞而造之張逃避竹中不

與相見永嘉郡記曰樂成縣民張焉隱居願志不應辟命一郡號為高士

○補郝尚書中興書曰郝恢字道胤高平人父曇北

宗器之以為藩伯之望自與謝居士善常稱謝

慶緒識見雖不絕人可以累心處都盡檀道鸞續晉陽

至云此許敬未易得

秋曰謝敷字慶緒會稽人崇信釋氏初人太平

山中十餘年以長齋供養為業裕引同事化納

不卷以毋老還南山若邪中內史郝愔表薦之

徵博士不就初月犯少微星一名處士星占云

以處士當之時戴逵居剡既美才藝而交遊貴

盛先敷著名時人憂之俄而敷死會稽人士以

嘲吳人云某中高士便是求死不得

王子猷嘗暫寄人空宅住便令種竹或問暫住

何煩爾王嘯詠良久直指竹曰何可一日無此

君中興書曰徽之卓犖不羈欲為傲達放肆聲色頗過度時人欽其才機其行也

○補郭元瑜少有拔俗之韻晉書曰郭瑀字元瑜儼

張天錫遣使備禮徵之元瑜指翔鴻示使人曰

七古世統補卷之二



此鳥安可籠哉天錫遺稱書曰先生潛光九暉懷真獨遠心與至境冥符志與四時消息豈知蒼生倒懸四海待拯孔子車不停軌墨子駕不俟且皆以黔首之禍不可不救先生懷濟世之才故遣使者虛左授綬

陶徵士嘗言五六月北窗下臥遇涼風暫至自謂是羲皇上人

○補 宗少文好山水愛遠遊西陟荆巫南登衡嶽因結宇衡山欲懷尚平向平高上之志有疾還江陵歎曰老疾俱至名山恐難徧覩唯當澄懷觀道臥以遊之凡所遊履皆圖之於室謂人曰撫

琴動操欲令眾山皆響宋書曰宗炳字少文南陽涅陽人祖承宜都太守父繇之湘鄉令母同郡師氏聰辯有學義教授諸子炳居喪過禮為郡間所稱宋高祖辟主簿答曰棲丘飲谷二十餘年刺史殷仲堪相玄屢辟並不就

○補 孔淳之居會稽剡縣性好山水每有所遊必窮其幽峻或旬日忘歸宋書曰孔淳之字彥深魯粲秘書監徵不就淳之少高尚愛好墳籍與徵士戴顓王弘之及王敬弘等共為外遊元嘉初徵散騎郎不到嘗遊山遇沙門釋法崇因畱共止遂停三載法崇歎曰緬想人外三十年矣今乃傾蓋於茲不覺老之將至淳之還反不告以姓



舊志曰竺法崇有律學精於法華經居剡之昌峴山茅茨澗飲孔淳之訪之信宿不去神思傾

○補

江湛舉王景玄為吏部郎王與湛書曰君平有

言生我名者殺我身天爵猶滅名安用吏部郎

哉其舉可陋其事不經非獨縉紳者不道僕妾

皆笑之因與湛告絕足不踰闕十餘年棲遲環

堵之室苔草沒階皇甫謐高士傳曰嚴遵字君

都市日得百錢自給上詔則閉肆下簾以著書

為事有富人羅冲為其車馬衣糧君平曰吾非

不足也子奈何以不足助有餘冲曰吾有萬金

子無億石乃云有餘不亦謬乎君平曰不然吾

宿子家人定而役未息晝夜汲汲未嘗有足今

我以下為業不下床而錢自至猶餘數百不知

所用此非我有餘而子不足耶冲大慚君平嘆

曰益我貨者損我神生我名者殺我身時人服

之

○補

顧長孺有隱操齊書曰顧黼字長孺吳郡人有隱操

曰顧歡字景怡一字玄平吳興鹽官人好黃老

通陰陽為術數多驗隱居不仕於天台山開館

聚徒受業者常百餘人俱不就徵景怡晚節服食不與人通

每且出戶山鳥集其掌取食

○補 魚復侯南史曰魚復侯子響武帝第四

厚餉遺宗敬微宗辭曰少有狂疾尋山採藥遂

此帖世說新語卷之十四



來至此量腹而進松木度形而衣薜蘿淡然已足豈容當此橫施南史曰測字敬微南陽涅人居江陵欲遊名山齋老子莊子自隨孫拜辭悲泣測長嘯不視遂往廬山

補

或戲之曰誰謂庾郎貧食鮭常有二十七種顯齊書曰果之字景行新野人祖深之雍州刺史父粲司空參軍果之少貞立韻令和潤善於音吐學涉文義起家奉朝請太子右衛率

孔稚圭風韻清疎門庭之內草萊不剪中有蛙鳴稚圭曰以此當兩部鼓吹南齊書曰孔稚圭字德璋會稽人少

補

涉學有美譽仕至太子詹事

補

王弘之性好釣魚上虞江有一處名三石頭弘之常垂綸於此會稽志曰上虞江源出剡縣東流入江又北流至三江入海

或問漁師得魚賣否弘之答曰釣亦不得復不賣日夕載魚入上虞郭經親故門各以一兩

頭置門內而去沈約宋書曰王弘之字方平瑯琊人宣訓衛尉鎮之弟少孤貧為外祖何準所養從叔獻之及太原王恭甚貴重之後謝靈運顏延之並相欽重靈運與廬陵

王義真茂曰會境既豐山水江左嘉遁並多居之但季世慕榮幽棲者寡或復不為時未弗獲從志若王弘之拂衣歸耕踰歷三紀孔淳之隱約窮岫自始迄今阮萬齡辭事就閒纂戎恭美



浙河之外。棲遲山澤。如斯而已。既遠。同義。唐亦  
激貪厲競。殿下愛素。好古。常若布衣。每意其  
虛想。巖穴若遣一介。有以相存。真可謂千載盛  
美也。初為衛軍參軍。後屢徵太子庶子。散騎常  
侍。不就。卒。

補

陶貞白幼有異操。年十歲得葛洪神仙傳。晝夜

研尋。便有養生之志。謂人曰。仰青雲。觀白日。不

為遠矣。神仙傳曰。洪弟子滕升。常問洪曰。古之

百人。劉向所纂。又七十一人。今錄集以傳真識之士。

補

王沙彌。海劇人。淹雅。有器度。好學。不倦。美容儀

有風。則齊亡。周武帝以為儀。同大將軍。母終後。遨遊鞏洛。悅其山

水。圖經曰。洛水出洛南縣冢嶺山。經鞏縣。入於

居之。可樂。平川廣衍。東西數百里。嵩山少室天

壇。玉屏岡。巒摩迤。四顧可挹。伊洛溼潤。流出平

地。故其山川之勝。泉流之潔。雖其間關之人。與

公侯共之。敝之宮。上矚青山。下聽流水。奇花

修竹。布列左右。而其貴家巨室。圍圍亭觀之。盛實甲天下。與范陽盧元明。北

鹿魏季景。結侶同契。往天陵山。浩然有終焉之

志。北齊書曰。魏季景。收族叔也。父鸞。有容儀。為

奉車都尉。季景少孤。清苦自立。有文才。官至

農卿。



補王無功有田十六頃在河渚間奴婢數人自課種黍春秋釀酒養鳧鴈蒔藥草自供與仲長子光服食養性欲見兄弟輒渡河還家遊北山東臯著書自號東臯子

補朱梲樵隱居不仕披裘帶索浮沉人間宋祁唐書曰梲

樵益州成都人澹泊無為隱居不仕高士寶益廉在益州屢遣人存問志輒走林草自匿寶益州遺以衣服逼為鄉正劉昫唐書曰寶軌字士則周雍州牧贊國公恭之子也武德三年為益州道行臺左僕射梲樵不言而退逃入山中夏則裸形冬則樹皮自覆贈遺一無所受每織

芒屨置路傍見者皆言朱居士屨也易采置本處桃樵至女取之終不見人

補孔極侍郎朝迴遇雨避於一叟之廡下延入聽事叟烏帽紗巾逢迎甚恭因備酒饌一一精好孔公借油衣叟曰某寒不出熱不出風不出雨不出未嘗置油衣也孔公不覺頓忘宦情

補王摩詰貯蕙蘭用黃磁斗養以綺石累年彌盛劉昫唐書曰王維字摩詰太原祁人與弟縉俱有俊才博學多藝開門友悌兄弟奉佛居常蔬食不茹葷血晚年長齋不衣文綵得宋之問藍田別墅在輞口輞水周於舍下竹洲花塢與道

三云此為今人御尊之祖



友裴迪。浮舟往來。彈琴賦詩。嘯詠終日。在京師。日飯十數名僧。以玄譚為樂。齋中無所有。唯茶。鐺酒白。經案繩牀而已。退朝之後。焚香獨坐。以禪誦為事。妻亡。不再娶。三十四年。孤居一室。屏絕塵累。

○補顏真卿為湖州刺史。唐書曰。真卿字清臣。琅琊臨沂人。五代祖之推。北齊黃門侍郎。真卿少有詞藻。工書。開元中。進士。四命為監察御史。出為平原太守。祿山反。與從父兄果卿討賊。代宗立。改尚書右丞。封魯郡公。以正直立朝。為楊炎盧杞所忌。遣論李希烈。不屈。遇害。張志和來謁真卿。以其舟敝漏。請更之。志和曰。願為浮家泛宅。往來苕霅間。

輿地志曰。苕溪源自獨松嶺。合浮玉山山水。至吳興。入于太湖。霅溪者。以其合苕溪。前溪。餘不溪。北流。四水為一。

溪故曰霅也。又云。四水激射。霅然有聲。謂之霅溪。

○補許謹選放曠不拘。小節與親友結宴。花園中未嘗張幄設坐。只使僮僕聚落花鋪坐下。曰。昔

王云。宋人謹慎。每以謹代何元。朗所見乃宋刻。本何既不為改。

有花裊。按。開元天寶遺事載此。是學士許慎選。而語林作謹選。未知何據。

○補种明逸至性嗜酒。嘗種秫自釀。每曰。空山清寂。

訂張文謂未知。何據。特為拈出。以什觀者之疑。

聊以養和。王聖塗。湘水燕談曰。种放字明逸。舉古。性頗嗜酒。躬耕種秫。以自釀。所居有林泉之勝。景德中。召至闕。真宗欲大用。固辭還山。

○補林逋隱居孤山。嘗畜兩鶴。縱之。則飛入雲霄。盤旋久之。復入籠中。逋常泛小艇。西湖諸寺有客。



至逋所居則一童子應門延客坐為開籠縱鶴

良久逋必棹小船而歸蓋常以鶴飛為客至之

驗歸田錄曰林逋字君復居杭州西湖之孤山

真宗聞其名賜號和靖處士詔長吏歲時勞

問逋工畫善為詩如草泥行郭

索山木叫鉤輻頗為士夫所稱

○補蘇養直隱京口荃翁貴耳集曰蘇庠字養直父

遊震澤之詞為伯固作也養直屬玉雙飛水

滿塘之句亦見賞于坡坡呼為吾家養直

紹興間與徐師川同召養直不起師川造朝時便

道過養直留飲甚歡公平日對奕徐高於蘇

是日養直拈一子笑視師川曰今日還須讓老

夫下此一着師川有愧色宋史曰徐俯字思川

死事授通直郎張邦昌僭位遂致仕時工部侍郎

郎何昌言與弟昌辰避邦昌諱皆改名俯買婢

為昌奴容至即呼前驅使之高宗朝胡直孺注


藻送薦之召為諫議大夫周輝清波襍志曰師

川紹興初山諫垣

遷翰苑贊機命

李卓吾批點世說新語補卷之十四





批黑油紙補卷之十四

十四



